

左文襄公年譜

左文襄公年譜卷十

光緒六年庚辰公六十九歲

正月

上用王大臣言改

命駐英法大臣曾紀澤赴俄國覆議仍

詔公統籌南北戰守限一月具奏二月辛酉公覆奏曰俄國與崇厚所議恣其要求崇厚擅行應允誠非意料所及

朝廷改命使臣前往再議詞嚴義正自可折其奸謀曾紀澤上稟宸謨成議而返庶幾息事安邊事有結束彼此畫疆而守善後諸策但以固圉爲先倘其始終狡執辯論竭而鉅端開非合南

北兩路全力慎以圖之。不可按伊犁轄境千數百里北倚大山。本蔥嶺北出之幹。首起西荒。尾插東海。山陽水入中國。山陰水入俄部。歸西海。乃中俄天然界畫也。其由蔥嶺中出者爲天山。山北諸流東行迤北爲伊犁河。天山北路至此而止。與蔥嶺北出大幹不相聯附。故伊犁幹山爲北邊盡處。究不得指爲天山北路也。至喀什噶爾北境舊與浩罕所部安集延南境相接。自俄羅斯佔據浩罕舊部塔什干城併其三部。浩罕遂亡。安集延北境亦爲俄有。迤西阿古柏由南境糾其餘眾竄踞回疆八城及吐魯番。乃與俄約將南境之地併入回疆。自爲一部。此次大兵既定天山北路。引兵而南。連克吐

魯番及南八城阿古柏種滅安集延亡其南境又歸於我卽喀什噶爾西北卡外之地也雖開地無多而以山川條列言之蔥嶺北出大幹水北流者爲俄屬南流者爲新疆天山介居其間南北兩路諸城錯落布置皆吾舊土也至喀什噶爾卡外安集延所遺南境之地本非俄境又在伊犁界外官軍乘勝窮追得之叛豎之手與俄無涉俄自無所藉口以與我爭夫中國與俄近雖壤地相接然此疆爾界本有天然形勢可憑但使堅持定議於伊犁界務概以同治三年所定爲斷其未定之喀什噶爾卡外卽照阿逆與俄所擬前約定局如此山川條列朗若列眉以守則固安集延布魯特餘眾亦可

斷其句結相庇以安。誠數世之利也。至不得已而用兵。自應
熟察彼己情形。與前敵諸軍詳爲商榷。竊維俄踞伊犁。毀大
城不居。以大城迤東清水河塔爾奇綏定三城故墟居。漢回
而於大城東九十里金頂寺營造街市。幾二十里。俄官俄兵
及各處商賈客土各回錯處其中。煙戶萃聚。上年雖議交還。
而催收銀糧如故。種人怨忿莫敢誰何。見擬規復伊犁東路。
宜嚴兵精河一帶。扼其紛竄。伊犁將軍金順主之。中路由阿
克蘇冰嶺之東。沿特克斯河徑趨伊犁。計程一千二百五十
里。本商貨往來之道。廣東陸路提督張曜主之。西路取道烏
什。由冰嶺之西。經布魯特游牧地。約七站抵伊犁。計程一千

二百五十里此路久經封禁道光初那彥成德英阿奉

敕覆陳指爲換防官兵往來捷徑者也通政使司通政使劉錦棠
主之三路兵力本不爲單然踞伊犁之俄兵來去靡常未知
確數而俄官安置清水河塔爾奇綏定三處漢回訶知約尙
三四千之多俄人已將其眷屬送歸俄境脅其爲用土回聞
伊犁有交還之說兇惡者懼爲官軍所不容攜帶逆眷投入
俄境其畱伊犁人數無從稽考此外旂營除傷亡外存者寥
寥而錫伯一旂雖尙有八九千之多然心懷兩端非但難期
得力并須防其內訌是三路之軍戰守相資非厚集其勢不
可也按劉錦棠駐西四城總統馬步二十五營旂計弁丁八

千五百七十名馬隊一千五百騎內步營應換防者頗多臣
前飭題奏提督陝西漢中鎮總兵譚上連選募舊部將弁勇
丁七百餘名并統楊昌濬挑練三營餘丁百數十名赴劉錦
棠營補換防餒額已於二月初三日出關約五月初旬可到
喀什噶爾至檄調之記名提督甯夏鎮總兵譚拔萃等五營
尙無到蘭確信已催其迅速成行俟到齊後劉錦棠始可分
軍出烏什以圖進取也張曜駐阿克蘇之軍步隊四千五百
有奇馬隊五百餘騎以之徑取伊犁兵力未免單薄張曜擬
增募皖北步隊千名挑選舊土爾扈特馬隊數百騎同進臣
飭撥步隊四營馬隊一營歸其節制調遣并擬令提督易開

倭率所部步隊填防後路金順函商增募湖北四川步隊河南馬勇臣以新軍既需整飭又路遠未能剋期必到不若先就近分撥皖軍卓勝營馬步可期得力擬飭提督金運昌分所部馬隊五百步隊一千五百助之其如何布置仍聽金順調度塔爾巴哈臺地介窮邊與俄偪處錫綸兵力既單誠如諭旨非選募邊人招徠蕃屬不可頃接其正月十二日來函商調烏魯木齊等處土勇按烏魯木齊土勇卽徐學功孔才舊有振武定西營勇丁內挑出二千零六十名原備復立制兵者嗣陸續汰革歸併共只存一千一百餘名已撥歸都統恭鐸提督博昌分統茲既咨商赴調則綏來昌吉一帶應飭金運

昌派隊填防金運昌所部既飭分馬步二千赴前敵歸金順調遣應調還派駐古城奇臺阜康各處步隊備填紮原防其古城奇臺阜康應俟臣到哈密後分營填紮始臻周密此規復伊犁三路布置大略情形也就見在局勢言之俄之官商俄之兵力既歸重金頂寺各處距精河一帶較近金順只宜堅扼要隘遏其紛竄不必以深入爲功中路阿克蘇之軍徑指伊犁大城斷金頂寺歸路俄之官商與俄之兵力及陝漢土各回之思投俄境者不肯棄其貨財輜重一意東趨卽分起侵軼人數無多金順一軍加撥皖軍尙可協力禦之再能分堵精河西北內竄狹徑則屏蔽更寬塔爾巴哈臺且無西

顧之憂。所應防者。齋桑斜米竄犯布倫托海之路已耳。劉錦棠如由烏什冰嶺西路徑指伊犁大城。則俄國援伊犁來路可斷。如此路亦難進兵。則屯兵喀什噶爾外卡遙張采入俄境之勢。亦使知內患堪虞。時勤復顧。不敢復爲狶突矣。雖兵事利鈍。非所逆料。然慎以終始。其要無咎。合理與勢觀之。固有不容再計。凌者。此籌擬戰守之大略情形也。出塞之軍。向以轉饋爲難。茲則天山南北連歲有秋。關內外糧料柴草均設局購備。支應師行。衽席之上。將弁踊躍爭先。如前出塞時。天時和煦。漸與內地相近。非若從前凜冽景況。尤堪仰慰。

宸懷。臣竊布置周妥。暮春之吉。當率馬步各營出屯哈密。與南北

兩路諸統領籌議再上方略公方籌議出關會洮岷番匪倡亂初階文西因地震洮岷所屬瓜子溝黑番古旦巴因煽妖言爲變三月癸酉攻破西固州民堡階州游擊陳再益敗之黑松坪而東全西全嘯聚益眾揚言將取間道入四川公遣署蘭州道劉璇河州總兵沈玉遂分督階秦鞏昌防軍捕勦而畱軍以俟書牘卷二十四與楊石泉書云番匪謀變事由造謠煽聚并非久蓄謀逆黨堅交祕者可比心志不齊器械不備官軍百戰之餘何慮不克惟須分別良匪嚴禁擾掠則保全者多可化匪爲良不至敵良爲匪釀成浩劫留詳屬蘭州苦心分明長槍大戟中運以細鍼密縷或者天鑒此衷速救民劫於隴中銷除不遺患於蜀則幸甚也聞前次稟報有獲奪羊駝燒斃男婦之語頗爲惕然患起倉猝良番遷徙不及戀其家累遂被裹脅亦勢所難免官軍奮威衝殺患其職除不多若收隊之後託詞按捕殺無干之男婦焚燒邱堡則迫其壯丁無家可歸就撫後又無可資生其不

甘心作賊者有幾哉武人但知焚燒殺戮以逞其威不顧大局比比皆然幸以此意時加申儆古云殺人之中亦有禮焉此之於時新疆善後諸務皆次第興舉公以成效漸著迺入謂也告曰竊維新疆善後事宜以修濬河渠建築城堡廣興屯墾清丈地畝釐正賦稅分設義塾更定貨幣數大端爲最要臣前奉

諭旨南北各城應如何隨宜經理之處卽著悉心籌畫次第興辦比卽恭錄咨行南北兩路在事諸臣一體欽遵旋准張曜劉錦棠咨呈并據前署鎮迪道周崇傳見任鎮迪道福裕委辦吐魯番局務道員雷聲遠稟報前來以修濬言之哈密修石城子渠鎮西廳修大泉東渠迪化州修永豐太平二渠安順

一渠綏來縣修長渠奇臺縣修各渠吐魯番所屬渠工之外更開鑿坎井一百八十五處庫爾勒修復舊渠四十里庫車濟築阿柯寺兩大渠皆各防營將領督飭兵勇輪替工作其兼用民力者給以雇值地方官募民興修者亦議給工食誠以民困甫蘇未可責以力役也以城堡工作言之居國屋宇以利棲止農商工匠之所宜也行國旣廬移逐水草畜牧游獵之所便也今旣聯異域爲一家則城堡不可以不設奇臺綏來喀喇沙爾庫車或因舊基或拓新地均不勞民力不耗公財而崇墉屹然足資保障以屯墾言之鎮西廳屬兵民報墾五萬數千餘畝奇臺報墾民戶九百有餘軍營新墾六千

六百餘畝迪化舊報承墾三千餘戶核多浮冒茲按冊報連
新增民戶實只二千有奇軍屯尙未據報畝數昌吉新舊墾
戶共一千三百有奇綏來共九百餘戶吐魯番及南疆八城
除沙磧外荒地漸少新增屯墾均在新開渠工兩岸未據冊
報畝數其熟地適當清丈之際劉錦棠張曜見飭各局員冊
報竣清丈竣事始可彙齊送核也以清丈言之量地卽履畝
之法長短廣狹非丈量不能明肥腴瘠薄非按測不能準而
西北地多高仰土性善滲需水尤殷水足者地價倍昂以產
糧多也水歉少收價亦隨減將欲則壤成賦必先計水分之
充訖定地畝之瘠饒科糧賦之輕重光緒四年徵收無額臣

與劉錦棠張曜周崇傳函牘相商仿古中制而更減之按民間收糧實數十一分而取其一經收回目任意增減者許戶民自陳印委各員傳經手人斥責甚者加以革職并令於收穫後通行清丈按地畝肥瘠水分釐紐分九等科賦地既廣闢勸行之初事體繁雜人役弓手多不諳熟一時未能集事旋改爲上中下三等徵收以取簡易迨五年秋成冊報猶未造齊仍照上年十一分取一之例徵收民間輸將爭先約計六年秋穫丈量可竣按畝科賦多寡始歸一律矣以賦稅言之鎮迪一道光緒四年分徵收各色京斗糧六千九百四十餘石房租銀六千一百餘兩吐魯番廳徵糧一萬四千二百

餘石地課銀二千一百餘兩喀什噶爾徵收各色京斗糧料
六萬五百八石英吉沙爾徵收二萬六百十二石葉爾羌徵
收七萬九千四百十二石和闐徵糧三萬六千八百七十九
石徵折色銀五千四十九兩課金四百六十兩阿克蘇徵糧
一萬四千二百三十石徵折色銀三千三百三十八兩徵紅
銅黑鉛礮鐵均照額交納烏什徵糧八千三百七十八石徵
折色錢五百一十緡庫車徵糧一萬二千八百四十九石徵
折色銀五千餘兩徵紅銅棉花如額光緒五年秋開徵仍按
照四年徵收款目如數完繳內如喀喇沙爾一城因久罹兵
燹流亡未復四年無徵五年分據各局報徵過各色京斗糧

六千五百九十八石尙未截數綜計南北兩路徵收糧數折合京斗已二十六萬一千九百餘石專就南路收數計算較戶部鈔案從前額徵十三萬餘石已增十萬六千五百石有奇此皆清丈未竣暫照十一分徵收之數若丈量完事併加入北路續增及開渠成熟地畝新賦合算自要有增無減此外稅課折色有照常徵收者有併入釐稅徵收者就釐稅言之各局冊報自四年秋冬至五年夏不足一年已收銀十八萬有奇亦稱入款大宗如伊犁事定商貨暢行則釐務自有起色以義塾言之新疆戡定已久而漢回彼此扞格不入官民隔閡政令難施一切條教均藉回目傳宣壅蔽特甚將欲

化彼殊俗同我華風非分建義塾令同童讀書識字通曉語
言不可臣與南北兩路在事諸臣籌商飭各局員防營多設
義塾并刊發千字文三字經百家姓四字韻語及雜字各本
以訓蒙童續發孝經小學課之誦讀兼用楷書做本令其摹
寫擬諸本讀畢再頒行六經俾與講求經義疊據防營局員
稟興建義塾已三十七處入學同童聰穎者多甫一年而所
頒諸本已讀畢矣其父兄競以子弟讀書爲榮羣相矜寵并
請增建學舍頒發詩經論孟資其講習局員送閱各塾蒙童
臨摹做本筆姿頗秀并稱蒙童試誦告示皆能上口教以幼
儀亦知領會蓋讀書既可識字而由音聲以通言語自易爲

功也張曜因出

聖諭十六條附律易解一書中刊漢文旁注同字刊發繆民見者
寶貴足見秉彝之良無中外可分欲善則善理有固然不必
侈言化民成俗而其效已可覩也以貨幣言之同民市易舊
用制錢漸專用銀而程色高低分量輕重驟難明晰奸僞日
滋阿古柏竊踞南八城剏鑄銀錢名天罡式圓如餅中無方
孔不類錢形其程色分量任意低減圖售其奸故市價相權
不能允協民以爲苦應改造銀錢以平市價而利民用惟改
造銀錢宜先製模式較準一律交官設局經理然後私造與
贗僞易於辨認而行使可規久遠臣飭蘭州製造新式銅模

交張曜督局依法試製範銀爲錢用銀片捶成不須鑄枚
重一錢外圓內方輪廓分明字迹顯明大小厚薄如一與制
錢相權銀爲母銅爲子市廛通用可免畸重畸輕之患而新
模精巧由官改造工速費節私贗不致混淆人知寶貴准張
曜呈送樣錢前來臣察核無異擬俟試行漸廣請

旨遵辦期爲新疆創此永利以救圓法之窮凡茲數端均已
有緒可尋漸著成效者也至於中土蠶絲賴及萬方而湖產尤
甲中土泰西市舶駢集滬上航海往返費省運捷非若陸路之
艱阻也西國各部落行國居多衣被廬帳取給氈片禹貢於
崑崙析支渠搜皆以織皮概之由來久矣近代以來參用蠶

絲和毛彈織精緻殊倫售獲善價惟與中土通商專在陸路運致維艱新疆南北產桑土人但取甚代糧或稱藥材蠶織之利未廣俄羅斯及諸邊種人購絲於新疆不足仍議入蜀購絲臣通檄南北兩路局員檢校屬境桑株陸續稟報統計桑樹八十萬六千餘株教以飼蠶繅絲諸法兩年始有微效據各處呈驗新絲色潔質韌不減川絲前飭滬局采運委員胡光墉延訪德國開河鑿井織呢師匠帶購機器來蘭州入製造局教習西法并飭募雇湖州士民熟習蠶務者六十名交委員祝應燾由籍管領并帶桑秧蠶種及蠶具前來教民栽桑接枝壓條種甚浴蠶飼蠶煮繭繰絲織造諸法自安西

州敦煌哈密吐魯番庫車以至阿克蘇各設局授徒所以先
南路而後北路者以南疆生桑頗多一經移接便可飼蠶經
民勤習工作可收事半功倍之效由是推之西四城更推之
北路耕織相資民可使富卽西北諸行國取攜亦便毋庸度
隴趨蜀以買新絲遠商拜惠懷我好音彼獲其贏我亦得施
其控制之術非僅釐稅有增稍紓軍儲之急已也特事涉荆
行無速效可覩臣不敢多所論列惟有龜勉圖之仰副

宵旰憂勤之意

詔報曰所陳井井有條皆地方切要事務旣已漸著成效卽著認
眞經理以期次第就緒教養有資欽此於是悉舉積歲關內外防

營承修工程請

敕部備案

按奏稿卷五十六防營承修各工程請 敕部備案摺

地居衝要荒廢尤甚如會甯縣之翟家所張陳堡安定縣之
王公橋隆德縣之六盤山固原州之三關口等處均為著名
險隘其間溝壑深狹河道沮洳道路橋梁率多傾圯夏潦冬
冰時有阻滯傾軋之患農商行旅均以爲苦嗣經統領武威
軍甘肅平慶澤州道魏光燾統領楚軍中路各營提督劉端冕
鎮海寧副將周紹濂會同統領楚軍前路各營提督劉端冕
等督飭各該防營於操防護運之暇次第承修會甯屬境大
小磚石土木橋十九座種樹二萬一千餘株安定屬境木石
橋八座種樹十萬六千餘株金縣屬境木石橋三座種樹四
千四百餘株皋蘭屬境木橋一座種樹四千五百餘株修造
會安等處廟廟行館書院一十三所險阻大小路徑亦均修
治平出涇州屬境大小木石橋九座平涼屬境大小木石橋
二十九座固原屬境大小木石橋十座新開三關口高店五
亭沿河一帶石路四十餘里隆德屬境大小橋梁六座六盤
山上下車路二十餘里靜甯屬境大小土橋七座新開會甯
縣城東起至崔家所止車路四十三里又自陝西長武縣界

起至會甯縣東門外止計程六百里節年共種植成活樹二十六萬四千餘株柳湖書院種活樹一千二百餘株平慶涇固道署內外種活樹一千餘株環縣屬境種活樹一萬八千餘株董志縣丞及鎮原縣境種活樹一萬二千餘株此外平慶涇固各屬驛路固原北至平遠以達惠安堡鹽路均已一律修治平坦又先後重修平涼慶陽隆德合水董志縣丞鎮原平遠各府縣城垣衙署及各祠廟堡寨驛館所需經費皆由各營旅隨時捐發并由魏光燾陸續捐給經費銀八千七百餘兩以上各工業經委員勘驗均已完竣堅固此關內東路一帶興作工程之著有成效者也西南各路防營將領如統帶良輔等營總兵凌春臺在河州屬之三甲集開挖水渠四十餘里創建水磨三盤設立義學三處又修祈家集水渠一道太子寺堡城垣壕溝并栽樹林三甲集硝河城建立廟宇并昭忠祠四所統領楚軍左路等營提督鄧榮佳在秋道州屬之中部修土堡一座洮濱書院一所疏濬舊渠二道古城子土堡一座栽樹三百餘株管帶楚軍左旂總兵張友元在秋道州城西門外修永甯橋一座計長二十丈高一丈寬八尺又自該州嵐關坪起至白林口止修治道路一百六十里木橋二座管帶楚軍左路後營副將李志剛在秋道北二十里鋪修造大水車一具栽樹一萬三千株管帶楚軍律武

前營總兵李寶光在循化廳城內修蓋鋪屋五十五間并修理城樓及廟宇一所管帶靖綏營參將黃金福在碾伯縣屬棲鷺堡一帶創修溝渠築隄作壩二十餘里統領果軍提督劉明鏡在大通縣屬之永安營修補城垣栽樹四萬五千餘株管帶楚軍恆營總兵王聲揚自碾伯縣屬老鴉堡起至響鐘止修理道路二百四十餘里管帶安西左營總兵張世本管帶宗岳義營總兵張星元在大通縣境修理道路三百數十里并建修橋梁補置船隻栽種樹株修復塘卡統領安西等營署鎮海協副將喻勝榮在西甯城外劉家河灣創建堡城一座并修建鎮海協衙署屋宇管帶同義營副將敖天印管帶楚軍藍左旗副將朱泰友管帶楚軍藍右旗副將李正魯先後在平番縣境栽樹七萬八千餘株管帶楚軍左路正中營總兵周玉堂在平番縣境鎮羌驛岔口驛修造廟宇二所石橋一道車店一區堡寨一座燭泥灣開修石路一道此關內西南路一帶興作工程之著有成效者也至新疆南北各城自光緒二年大兵出關一舉蕩平後臣檄飭各該防營會同各善後局修濬河渠以興水利築繕城堡以嚴捍衛平治道路以利轉運修造官店以便行旅出嘉峪關七程爲安西直隸州治地近戈壁飛沙堆積州城東西兩面沙與城齊臣飭署安西協副將甘雲亮督率弁兵兼募民夫由城堞逐

漸開掘下至城根一律淨盡磚石頭露還復舊觀引疏勒河水環之既深且闊沿河種柳以護隄岸城復濠開可垂久遠哈密廳屬石城子渠先經張曜屯田該處已加修治臣等復飭駐紮哈密防營總兵黃本富易玉林重爲濬治以利灌溉鎮西廳屬大泉東渠經駐紮巴里坤統領蜀軍提督徐占彪督率興修迪化州永豐太平二渠綏來縣一渠疊經由官借給銀糧督飭戶民修理安順一渠見經鎮迪道福裕勸驗興修奇臺縣屬渠道經署知縣劉嘉德勘明稟請修濬吐魯番廳屬官渠坎井經督辦善後道員雷聲遠駐紮該處防營提督羅瑞秋游擊宋得祿督率興修雷聲遠籌借食糧督勸戶民淘濬坎井歲獲有秋庫爾勒舊有官民渠二道兵燹失修該處防營都司鄒金本督率修復又庫爾楚一帶河道長四十里水不歸渠旱潦無備防營副將王玉柱修築完好宣洩有資庫車阿柯寺塘賽馬里柯兩處長六十里橫貫戈壁工程尤大駐紮庫車統領安遠軍前安徽壽春鎮總兵易開俊督率弁兵輔以民夫修築通暢增開支渠灌漑稱便綏來奇臺兩縣城門女牆均多損壞經前署瑪納斯協副將傅殿魁派勇修復喀喇沙爾爲南疆要衝舊城卑薄復爲賊毀廬舍蕩然惟安集延逆酋阿古柏新築一城勉可補葺防營知縣黃長周喀喇沙爾善後局員知州黃炳燧開拓修築城週三

里城環改設庫車舊有漢城甚小年久傾圮東面外環同城
局勢頗闊易開倭會同善後局員同知魏炳蔚察看形勢西
北兩面均仍其舊其南城及東北東南應即改築城週千三
百三十四四弓牆高一丈八尺寬一丈五尺四隅礮臺縱橫四
丈四尺四門城樓高四丈八尺雄闊偉壯足稱南疆重鎮由
哈密以達吐魯番自瞭墩至七克騰木四驛分南北兩路南
為官道妖風時作沙石俱飛甚者并人馬捲去渺無蹤迹俗
所稱風戈壁者也其北有小巷可避風災本為商旅必出之
途然無店宇可資棲息行人苦之七克騰木防營總兵夏奉
朝督飭弁兵將南路臺站逐置北路添備官店水草器用此
患迺免托克遜至喀喇沙爾中隔阿哈布拉地方雨峰壁立
積石峻嶒一徑羊腸下臨無際車馬經過輒有意外之虞防
營總兵劉見榮鎚幽鑿險化而為夷用功至勤羣情欣愜清
水河西離離五六里泥淖縱橫人馬多苦陷沒防營知縣黃
長周都司鄒金本會同修治開渠洩浸墊以巨木雜覆樹枝
土石平鋪始免積淖為患此關外興作工程之著有成效者
也兵燹之餘百廢肇興不資民力不耗官帑難矣而論其實
濟則皆承平時所未經見者非諸將士來自田間習慣工作
而皆知以勤民為重其效或未易臻此也至諸工程皆設防
護運之餘率作興事未可與工部例章并論且不列款請銷

自可免由部議而工成稿勞酒食本與軍需賞耗不同為數
又微業經酌提各營截曠款下支用并未開報正款臣等見
咨商劉錦棠張曜轉飭善後局各員酌量劃撥荒絕地畝招
佃承租以作歲修經費庶可保固而規久遠
云左格靖命自涇州以西至玉門夾道種柳連綿數千里綠
如帷幄兩行秦道直萬點蜀山尖恍然見古人造句之工足
與奏中所言相證

從之復疏請新疆及時開設行省先

簡督撫臣以專責成因擬建置大略

按原疏云謹擬烏魯木齊為

疆巡撫治所彼此聲勢聯絡互相表裏足稱其形勢將軍率
旅營駐伊犁塔爾巴哈臺改設都統并統族綠各營并擬增
設伊犁兵備道一員塔爾巴哈臺擬增設同知一員以固邊
防北路鎮道應仍其舊擬改迪化州直隸州知州為迪化府
知府擬增置迪化縣知縣一員附郭州屬原設縣四一阜康
一昌吉一綏來一奇臺應仍其舊擬升呼圖壁巡檢為圖壁
縣知縣升濟木薩縣丞為濟木縣知縣鎮西廳同知治巴里
坤擬改為鎮西州直隸州擬仍復原設宜禾縣知縣附郭哈

密通判擬改為直隸縣同知吐魯番境一名廣安州為入南
疆衝要首站擬增設廣安道一員以資控扼其吐魯番同知
擬改為廣安州直隸州擬升闢展巡檢為闢展縣知縣托克
遜為烏魯木齊通南八城衝要擬就地置托遜縣知縣一員
以資聯絡南城擬設阿克蘇巡道一員喀什噶爾兵備道一
員擬設知府四員一治阿克蘇一治庫車并隸阿克蘇巡道
按阿克蘇即古溫宿國擬設溫宿府知府一員治尹河瓦提擬設拜城縣
一員附郭擬設尹河縣知縣一員治尹河瓦提擬設拜城縣
知縣一員治拜城均隸溫宿府知府一員附郭擬設沙雅爾
擬設鳩茲府知府一員鳩茲縣知縣一員附郭擬設沙雅爾
知縣一員治沙雅爾歸鳩茲府知府一員附郭擬設沙雅爾
勒國擬設疏勒府知府一員疏勒縣知縣一員附郭擬設疏勒
縣知縣一員治回城并附郭歸疏勒府知府一員附郭擬設疏勒
古莎車國擬設莎車府知府一員莎車縣知縣一員附郭擬設莎車
莎附縣知縣一員治回城并附郭歸莎車府知府一員附郭擬設莎車
沙爾即古焉耆國擬設焉耆直隸州知州一員治喀喇沙爾
并設庫勒縣知縣一員治庫爾勒歸焉耆直隸州知州一員治喀喇沙爾
于闐國擬設于闐直隸州知州一員治和闐并設于闐縣知
縣一員附郭歸于闐直隸州知州一員治烏什英吉沙爾即古依耐國擬設依耐
頭直隸同知一員治烏什英吉沙爾即古依耐國擬設依耐

詔報

以俟伊犁收復定議四月乙卯公啟行出關

書牘是年與楊

直隸同知一員治英吉沙爾凡茲所擬建置大略雖經臣與
新疆在事諸臣悉心商訂具有規模而地非親歷究難信之
於心按今制爲劉公錦棠所奏定惟設巡撫一人
駐迪化餘亦多有異同此則公當日所擬之大略也

啟行宿嘉峪關熱不可耐隔間小雨夜半雨始暘計入土可
五六寸高地正苦焦燥得此雷潤禾黍預卜有收弟自咸豐
十年以來每當收節輒有甘雨隨車歷歷不爽又與楊石
泉書云廿五日行抵安西州計七日程途所歷均是沙磧人
望闕寂自馬四竊據肅州大道兩旁被禍尤烈故景況蕭條
弟劃提養廉二千兩飭龔牧購買種羊發交兵民以收畜牧
之利冀流亡盡復荒地續開尚有可爲也戈壁乏水草不能
度地以居民固也然憑軾觀之亦有不得於心者沙石間雜
中含潤氣雖無通見之泉源雨露之滋潤其足蔭嘉穀一也
蘭州北山秦王川昔稱五穀不生者近則產糧最多省會民
食取給於此老沙新沙翻沙時形爭訟其明徵也惠同堡迤
西而北沙磧尙礫石片安西前後沙灘則石子相間并少塊
片疑可做秦王川法用種嘉禾就中大小沙堆徧生野草間
有蘆葦叢雜既產草則必宜禾奚僅宜畜牧不便耕墾乎至

沙灘戈壁雖乏樹木然近水各處亦見榆柳疑下溼之地皆可種植奚僅宜榆柳不宜蔬果乎凡此皆旬日往來胸中未能少釋者擬先以畜牧導民而令其漸謀耕穫庶幾因其所明加以勸相漸合古昔實邊之政而無其擾也我躬不閱則俟君子他何知焉是月番匪古旦巴就擒餘黨悉平五月乙亥公抵

哈密駐軍城西鳳皇臺飭南北各軍戒備調新至各營設防
巴古安西增置科布多至古城臺站俄增兵伊犁阿來時縱
游騎越境置屯公戒各軍勿輕動而先遣書俄官詰問俄兵
旋亦引歸原屯而揚言將駛兵船來華封遼海沿海戒備七
月壬申

詔書徵公曰左宗棠見已行抵哈密關外軍務諒經布置周詳見
在時事孔艱正須老於兵事之大臣以備朝廷顧問左宗棠著來

京陛見一面慎舉賢員堪以督辦關外一切事宜者奏明請旨俾資接替公奏薦劉錦棠督辦新疆軍務張曜幫辦軍務請劃哈密及鎮迪一道歸隸新疆

上悉聽如所上於時駐英法大臣曾紀澤方抵俄都中外議戰與和者益紛起無定策公貽總理衙門書曰主戰固以自彊爲急卽主和亦不可示弱以取侮譬之奕棋敗局中亦非無勝著惟心有恐懼則舉棋不定不勝其耦矣海上用兵以來其始壞於不知洋務之人不知彼已眞實情形僥倖求勝其繼壞於自負深悉洋務之人不顧大局長久苟且圖存以致愈辦愈壞無所底止又款與戰本是兩事大計浚之

朝廷見機宜速西人狡詐每於倉皇之際乘吾猝不及詳之時
危詞迫切以要之鮮不墮其度內則款戰未定之際宜定計
於先而從容暇豫出之迺期允協譬猶乘船遇風掉搶時操
船者欲張帆必先下帆令舟無倚側迺免遭險若隨風轉腳
必有傾覆之虞茲之議論恩遽紛紜無迺類是十月辛丑劉
錦棠自喀什噶爾至哈密丁未公啟行入關時俄已築城琿
春兵船至新開河而烏里雅蘇臺亦報俄兵近邊公以俄既
示形東北迺令王詩正率親軍馬步二千人劉璈王德榜各
率所領五百人先入關取道鎮番趨歸化城赴屯張家口十
一月乙酉行抵蘭州

詔楊昌濬護理陝甘總督公奏言臣以陝甘總督督辦新疆軍務
合關內關外餉事通籌挹注茲劉錦棠楊昌濬一護督篆一
督辦新疆軍務方域攸分若不酌撥劃分則款目淆混無所
據依關外各營餉項暨應需各款歲共需銀三百七十餘萬
兩關內各營餉項及各項經費歲共需銀二百一十餘萬兩
按照前奏每歲各省關協解五百萬兩相其緩急節縮牽補
雖出款不敷至八十餘萬兩之多尙可設法挪移以免貽誤
謹擬嗣後協款由楊昌濬主持以六成撥解新疆以四成劃
留甘肅庶大局得以兼顧可無此壅彼鉅之虞十二月丁酉
發蘭州所過士民夾道攀留公輒停車慰遣之

按長沙周氏
青昌思益堂

集送左侯相入覲序云光緒六年天子召入覲公聞
命不宿振旅入關關內外聞之自頒白耆庶下逮萌隸媼稚
胥皇然如失所獲巷議戶祝籌所以留公而不可得是年
則奔趨幅億頂香膝躍呼感恩數十百里無絕聲

長子婦賀氏孝行上

聞得

旨旌表 作中允馮君景庭家傳

光緒七年辛巳公年七十歲

正月中俄和議成約還伊犁全境設嘉峪關吐魯番兩領事
餘議悉定己丑公至都庚寅

陛見

慰勞有加壬辰

詔入值軍機在總理各國事務衙門行走管理兵部事務

書牘卷二十五

是年答馮展雲中丞書云正月廿七日展

覲召對兩次卽

蒙入值提垣兼典屬國

新命粹不敢辭

安聖諭及廿

載憂勞爲之墮淚勉以

國事全賴王大臣襄贊

諭旨

兢兢所以矜恤勞臣者無微弗喻自顧衰病何堪重任然不

敢不

二月癸丑王德榜劉璈王詩正各軍抵張家口公奏請

興修順天直隸上源水道并選健銳火器各營壯丁入營訓

練

欽旨下王大臣議旋以各營官兵已歸併神機營操練擬就八旗

養育兵丁編立成營而練餉無出迺議先調各軍興修水利

三月壬申

慈安皇太后崩公連日哭臨如禮四月劉璈以本軍之臺灣道任

先是公議從懷來縣順桑乾河流疏築會涿州河工急已未調王德榜王詩正各營詣永濟橋興辦公念正俗急務尤在禁食鴉片而已積重難返惟加增洋藥土煙稅捐以湮其流先是總口原徵洋藥進口稅每百斤銀三十兩各省權釐恆不及納稅之半同治七年修約與英使阿禮國議定洋藥百斤稅進口視舊額增二十兩以彼中商會阻行罷議至是公數與英使威妥瑪議於總署迺上奏曰竊維鴉片產自泰西印度地方由英商轉販流毒中國從前各海口每歲進洋藥三萬餘箱嗣增至五萬餘箱近且至七萬餘箱矣而前時每箱百斤售銀七百餘兩近聞已減至五百餘兩是銷路之暢

由於貨價之減可知臣前督陝甘先以禁種罌粟爲務飭各屬隨時查拔遇有洋藥入境則封存勒由原路折回惟此法行之一方爲宜若統籌全局則令由原路折回殢於此者或銷於彼仍爲不了之局詳察事宜斷非加洋藥土煙稅捐不可稅捐加則洋藥土藥之價必貴價貴則癮輕者必戒癮重者必減由減吸以至斷癮尙有可期若徒恃空文禁制則丁役之弊索官吏之欺隱由此而生竊恐政令不行而閭里騷然未覩嚴禁之效而先受其弊自古整齊世宙不能無藉乎政刑政刑之用窮不能不濟之以罰周課田功有里布夫家之罰漢重酒禁有誤耐免侯之罰近如海國英人於嗜好之

物更加徵兩倍亦與贖刑遺意相近況加徵洋藥土煙稅捐意在加價減癮以期坊民正俗多取亦不爲虐且議加者中國吸食之徒非取之出產之地與外國興販之徒權自我操誰能過問臣曾於接晤英使威妥瑪時論及加徵稅釐冀可減癮威妥瑪無以難之適李鴻章至臣偕赴總署與威妥瑪會商二次李鴻章又獨與威妥瑪晤商一次威妥瑪語多反覆於加價一節猶斷斷然若重有惜者臣等如從其後議只每箱八十兩爲定則加數甚微與擬增稅捐期收實效本謀大相刺謬茲擬總口原徵洋藥進口每百斤稅銀三十兩仍由總口徵收外或議於總口徵洋商之稅卽併內地應捐之

釐而加徵之或議於總口照稅加釐外於內地分銷各口加徵華商之釐按照見行釐章兩起兩驗中每洋藥百斤統稅釐合計徵實銀一百五十兩若內地私種所造土煙應卽照洋藥稅則加捐示罰惟土煙氣薄吸者弗尙價值亦較洋藥爲輕須按其斤重價值準洋藥推算議加迺與罰捐之意允協而貧民因惜費而減癮實效亦復相同區區之愚所以議加稅捐者非爲聚斂豐財起見古者取民有制徵斂宜輕而道在禁民爲非則稅捐示罰有不得不從其重者迨疵俗滌除民無天札弊盡而利自生其效亦將有可覩伏懇

皇上敕下各督撫將軍監督將所屬洋藥銷數原定稅則捐釐款

目及議加稅釐辦法據實覆陳限奉

旨一月後覆奏務期齊心振作以收正俗坊民實效天下幸甚五
月丁卯入

見復力陳其利病

上爲下其議總署洋務公文向取慎密公以爲天下事當以天下
心出之過求祕密而各國每先多方刺得之致滋論端不如
重門洞開絕去關防之爲愈加洋藥稅釐疏既上遂并

諭旨刊布主者以爲非故事公不聽後威妥瑪以事既宣露卒不
復持異議癸酉公親履涿州工次庚辰自涿州陸行勘金門
開壩遂循視南岸河隄甲申抵天津晤李公鴻章丙戌乘舟

溯流而上戊子至趙北口聞漳沱河大溜已改由新開減河
復故道入海迺還涿州庚寅至永濟橋工次時下游挑淤已
至永樂邨六月壬辰迺開橋南小減河而於北面築斜隄東
水使出橋下乙未大溜東趨戊戌公取道石景山還京是月
彗星見

特旨修省言者多咎責政府公陳言路宜開不宜駁斥惟宜核實
持平出之其近理者應詳加推究其無所指實者苟稽於眾
而無可吹求則姑置之免長告訐而啟朋黨之漸

年與楊
石泉書

上躋之七月癸亥公觸暑致疾乞假十日至壬午展假二十日閏

月癸卯以病難速痊請開大學士錢及各差使

優旨賞假一月是月永濟橋隄工成初公與李公鴻章議修治永定河自南六工尾至南八工上汎復向北開新河一道達鳳河調淮楚軍分段工作公以下游疏濬尤當於上源制其悍濁迺令王詩正率千四百人赴下游工而遣王德榜從蘆溝西北探源而入視要處伐石砌盤磴俾上源渟滯遞注以殺急湍八月病未癒復

賞假兩月九月乙未

詔授兩江總督兼充辦理南洋通商事務大臣十月乙丑

召見公自陳過蒙

矜恤非意望所及

諭曰兩江公事豈不數倍於此以爾向來辦事認真外國怕爾之聲威或可省事故以此累爾爾當多用人材分任其勞奏對逾時

迺出

見書牘卷二十五是年與楊石泉書及書牘通稿壬午與郭筠仙侍郎書

於時永定下游河

工已成上游丁家灘下尾店亦成石壩五座迺畱王德榜一

軍畢其役是月寓第產玉芝七本

按思益堂集王芝閣頌序云公導游斯閣詳睇芝狀

閣內稅端左右各兩外簷斗拱左三右二房結兩楹蓮呈九品玉圓盤大輪因鬱律根柢連理白逾截昉日光照之華紋

細覽從仰觀說所未覩

癸酉公

陸辭出都請便道回湖南省墓

許之十一月癸丑抵長沙十二月庚申至湘陰故里謁墓丙寅啟

行庚辰至江甯壬午受印視事 作劉忠宣公祠記錢南園
先生文存序紅蝠山房記

光緒八年壬午公七十一歲

正月癸丑出省閱兵二月丁巳抵揚州戊午道高郵視南運
河隄工辛酉至清江浦連日調閱江北各營癸亥由清江楊
莊中運河陸行歷順清河張福口運口乙丑復自高良澗道
黃堤寺將壩視禮河正壩初劉公坤一議築禮河正壩蓄湖
漕而濬楊莊以下舊黃河殺水勢公以爲淮水溢注洪澤寶
應高郵邵伯諸湖下趨運河入江所恃獨淮揚東西兩隄捍
禦以衛農田導淮由舊黃河入海則當闢張福口并開通碎

石河引由吳城七堡入注再塞順清河使中運河之水不入南運河而地勢舊黃河中運河均已高於洪澤湖程功非歲月可待而伏秋農事尤急迺首令興修運河東西兩岸隄工疏下河各州縣支河以資引溉兼築邵伯對岸緯道利運以次加濬楊莊舊黃河於口門迤南增壩以逼漕東趨而禮河正壩身單加築外戢別爲石坡護之奏曰淮居四瀆之一本以獨趨入海爲義自大河南徙黃奪淮流淮失故道浸假而東清刷黃借黃禦黃諸議繁興大修堤堰意在絕其南趨防其害不資其引灌之利近自黃河北徙從前雲梯關故道新淤又增而洪澤匯合眾流湖面加闊淮水非盛漲不能遵故

道入海緣地形北高於南引之迤南較順引之迤北與就下之性有違非築隄挑淤利其關鍵不能引以灌田分以濟運勢有固然而漕船需浮送農田需霑溉恆於春夏之交與淮流漲落之時又兩不相值非中運禮字河正壩蓄洩得宜不能盡利故籌治水之略較他處爲難臣以爲江南治內之策尤莫急於水利謹率各道及河工員弁躬親履勘悉心講求分別續修緩辦次第圖功一面籌措經費務期精益求精收濟運溉田實效淮南通泰場范隄爲范文正公所議建自鹽城北接阜甯南抵海門亘六百餘里竈戶萃居其下隄外設潮墩數百爲風潮猝至避居之所隄積久侵毀潮墩故處去

海益遠前一歲颶風大作海潮挾勢奔溢漂沒廬舍千數百
所淹斃不可勝計公與運使行視議集資先築潮墩以禦異
患又以安徽滁州來安全椒山水三面下注兼受定遠合肥
之水匯三汊河繞六合二百餘里入江每淫雨水漲河流紆
緩不能驟洩則汎濫四出滁州來安全椒江浦六合圩田數
十萬頃悉爲巨浸惟自張家堡天然河開朱家山殺水勢引
由浦口宣化橋入江迺無患乾隆嘉慶時屢議興修輒以工
費繁鉅而止公調集湘淮軍三十營刻日興工而於下游別
開一河避宣化橋廬墓自馬家橋厯曬布場至浦口康家圩
以達於江辛巳還江甯復調營修句容赤山湖湖匯茅山諸

水流經溧水上元江甯以入秦淮湖底淤高隄亦坍塌水旱
并受其災迺築道土壩至麻埭橋圩隄復修下游橋閘令相
洄注弭壅潰之患又以通濟門水門爲秦淮附郭正流金川
門河道爲汊港入江去路皆令擇要建石閘橋壩以收納諸
水導引清流其瀕江圩隄溝道應修者亦皆次第并舉城中
自亂後荒地猶廣迺立清丈局發官錢造城北屋廬數百所
賃民以居於隙地徧植桑柏松栝數百萬株以供蠶事樵采
四月奏復淮鹽引岸乙丑出閱江南營伍周厯鎮江常州蘇
州己卯出吳淞口閱視兵輪庚辰至上海過租界西人除道
換升中國龍旂聲礮執鞭迎導唯謹

書牘卷二十六是年與周荇農書云過租界時

各部機升中國龍旗西弁執鞭清道聲嚴十三
壬午沂江還
審恭謹有加觀者如堵詫爲從來未有之事
江甯先是彭公玉麟議造小輪船十設防海口公既周視海
口以爲有警則兩江當兼顧南洋復議購製快船五艘以備
緩急七月通泰場潮墩成九十六座是時伊犁新復方議裁
兵節餉公疏言防軍難言遞裁請復建設行省曰新疆周二
萬里從前分設將軍都統參贊辦事領隊幫辦大臣換防總
兵各員已有偏重之勢況他族逼處故土新歸治內治外事
同草創誠及此時早定大計其便有五取我固有之地而自
治之疆索秩然行國居國相苾以安異類無從撓越一也中
外交涉事件差以毫釐謬以千里有督撫近駐其地治內治

外凡可以防患未然者先事綢繆絕其禍本不至潛滋暗長
難以收拾二也防營未撤將士用命既可壯疆臣之聲威卽
將來設立制兵亦可就中挑選久經戰陳之才錯落布置其
間士氣旣揚軍威自壯三也回民素性雖悍新出水火當爲
急謀安插結以恩信則感激易生施之教化則污染漸滌四
也從前興作各事借資勇力而不可無官以善其後督撫親
聞親切點陟分明樂事勸功人知自奮五也否則民方有須
與無死之心而顧等諸羈縻勿絕之列萬一疆鄰窺伺暗煽
拚飛後患方興前功盡棄實爲可惜會劉錦棠奏置南路州
縣公疏入其議遂定十月公舊疾增劇上疏自陳曰竊臣上

年績請病假期內仰蒙

恩命出鎮兩江蒞任至今力疾經營未遑朝夕而病久不愈近時
心緒昏瞶動輒遺忘日間校理官書閱畢茫然不復省憶稍
一壓擱積成堆垛思泉日涸疏誤已多若不籲請

開鼓寤寐實有難安合無仰懇

聖慈準其開鼓回籍調理或冀閉門靜攝得以稍延殘喘則有生
之日皆報

國之年也竊維兩江時務之要無過海防鹽務兩端而水利尤民
命攸關三吳之富彊貧寡悉視乎此則亦言海防者所必及
也願治水必籌經費凡修隄壩開溝洫去淤墊鳩工購料均

須經費充裕預爲籌備然後同時并舉脈絡貫通支幹相承
灌輸均利不致此壅彼餒而水土迺得其平臣家世隸耕於
澤農諸務向所究心此次涖任江南慙無報稱惟農田水利
一事躬親相度微效略有可覩擬俟各屬各工竣事將手治
官書之言農田水利者分郡邑彙爲一帙俾吳中官紳士庶
有所考證就地修濬視以爲常淮徐院北之民安於隴畝人
心旣固民氣自彊彼以逐末而終致貧寡者我以務本而自
致富彊勝負之數無待蓍蔡矣竢蒙

恩旨開鼓後遇天氣晴和或赴下游省視各工一周再行歸里
上溫旨慰留

子假三月養疾十一月修築范隄自泰州如皋以達通州於時周

家莊六安聞鐵牛灣八堡諸處隄工成復以次修寶應汜水

永安高郵甘江五汛東西隄書讀卷二十六是年與周若農

鹽爲功課而精神所法則在海防蓋必治水而後可以保民

能保江淮以北之民不爲島人所驅使而後兩江之兵不可

勝用保民之道必以養民爲先六府之修以水利爲急江淮

之閒地廣而土沃若能興修溝渠培厚加廣挑淤濬淺一如

隴上新疆治法則水有所歸旱潦有備墾荒成熟加以桑棉

之利則民可自贍又可易洋人銀錢以供賦稅彼之末富安

能與我之本富爭彼之淫巧安能與我之食貨比操贏以取

其結一轉手而富彊且十百於泰西矣弟到金陵一月出省

閱伍江北卽與運司各道府縣徧攷水務利弊立卽督率官

弁兵民切實辦理江北畢事始出巡江蘇如法行之濬其支

導其幹水始大治故今歲皖豫上游盛漲加以蛟水而下游

免沈沒之災圩田收成加倍而浙直告糴之船踵至見正分

飭上緊修濬期可長保豐樂數年以

後元氣盡復何有於著面黑子乎

是年於江甯建明靖

難四君子祠爲亭護血蹟碑作靖難忠臣二蹟碑記寶山縣志序鄒叔子遺書序銅官感舊圖序

光緒九年癸未公七十二歲

正月奏建林文忠公陶文毅公祠江甯丙午自江甯巡視水利工程沿江而下歷襄河下河抵海壩各鹽場因行視范隄閱馬棚灣車邏壩清水潭隄工復命興修黑魚塘對岸西隄及高家塢民堰二月己巳至朱家山河其時工已抵山麓遇石脊長亘十餘里高者至數十丈錘鑿無所用方會王德楊自直隸至公令所部助工鑿石穿孔實火藥其中轟之藥力所至石輒糜碎工始得施壬申還江甯以赤山湖工成戊寅

至句容助驗新築圩隄長二十里有餘令沿埂多種桑秧護之庚辰由三汊河順流視通濟門石閘三月山東教匪王覺一入海州沐陽安東各境相煽爲亂遣道員李光久督親軍馳往緝獲匪首晏儒棟等餘眾解散於時法攻越南破南定公疏請籌辦海防以爲言江海防務者皆指吳淞口爲要隘而長江門戶自崇明寶山繞白茅沙即可掠狼山福山徑犯長江則白茅沙尤當衝要議增製船礮設重險其間又以沿海漁戶約萬數千人往往通番受雇爲夷船嚮導乃創立漁團分起設局編保甲就健壯操練中選者拔爲水勇數月得數千人四月增設江北邵伯湖河巡船辛未揚屬運河隄工

告成是歲伏秋大汎水漲至一丈六尺四寸始以次啟車邏南關諸壩裏下河農田得無患先是李公鴻章奉

命赴廣東督辦越南軍務

詔公調江南淮楚各軍俾率赴前敵會法使竇海復申請分界保護李公被

命還天津罷各軍不行五月范隄工成六月法攻越南益急公以越南與中國接壤非若琉球隔在外洋距日本較近可以度外置之也如越亡則我之外藩盡撤廣東邊宇危滇黔之邊腹均形棘手後患何可勝言各國多不義法所爲卽法亦勢成騎虎姑張虛聲以相搖撼我軍往援以海道爲捷而法輪

從海道駛入已反客為主進兵之道仍非由廣西雲南邊界
不可廼廣籌軍火遣王德榜自永州解濟邊軍令就募廣勇
數千人而請身赴滇粵督師

書廣卷二十六是年與楊石泉書云法越交兵樞部束手不得

已爲赴滇粵邊界之議先令王朗青往募廣勇赴邊察看軍
情地勢弟率各營繼進一往圖之爲西南數十年之計以
盡南洋大臣之職衰朽餘生
得以孤注了結亦所願也

上以滇粵皆有重兵止之九月丙申出閱漁團戊戌至崇明集各
軍申明紀律甲辰還至清江行視運河隄工議大舉復淮在
途嬰疾十月庚戌至江甯復自陳衰病曰臣此次巡閱漁團
在崇明十瀉陡遇暴風舊患諸證因之增劇而左目忽爲雲
翳障蔽漸致失明醫言肝脾火鬱心失所養非悉心靜攝難

期見效而年已七十有二氣血枯涸欲罷不能熟察江南時務有關

國計民生者惟引淮水仍歸雲梯關入海足以截斷眾流捍衛淮揚億萬生靈化災區爲腴壤而於江南鹽漕諸政及各省荒政均有裨益特工煩費鉅成效難必臣族督餒

簡放有人於明年開春親臨相度責成親軍及各營分段挑濬按日課工兼雇民夫與勇夫雜作屆時朱家山工程告蒧壹意經營庶率作興事遺緒堪尋而臣辭歸田里終此餘年亦可稍免餘憾伏冀

皇太后

皇上垂念臣衰病纏延加之目疾增劇難期痊愈不能辦事實在此情形

恩準開錢同籍調理則有生之日皆戴

德之年卽早填溝壑亦將矢圖報於他生耳奏入

上諭曰覽奏目疾增劇殊深廕繫該督威望素著見籌辦海防之際正資倚任所陳擬辦江南水利亦於民生大有關繫左宗棠著賞假兩月安心調理毋庸開錢於時邊事益棘

詔公趣王德榜成軍出關而廣西巡撫倪文蔚復奏取公所儲永州軍火赴粵於是公益整飭江南防務檄王德榜於永州募十營號曰恪靖定邊軍籌軍火餉需資其行是年作揚州

普賢墩大王廟碑甘泉貞應祠記通濟門石閘記湘鄉章氏譜序

光緒十年甲申公七十三歲

正月目疾增劇復申前請奏薦安徽巡撫裕祿漕運總督楊昌濬前兩廣總督曾國荃自代安徽學政徐郅上言復淮須排泗沂以爲導淮先路循序疏治由大通口引河以入海

詔下公議辛巳公扶疾至清江商度地勢周視張福河天然引河吳城七堡順清河折由楊莊循舊黃河至雲梯關復自大通口至嚮水口測地勢北高於南非湖水積高於下游修濬使低不能挽以入黃歸海而湖水高不特運口閘壩難支而盱

貽五河諸民田已首被患乃議設復淮局清江分年次第施
治先疏舊黃河宣減泗沂兼疏大通口暘出海之道然後加
濬張福碎石諸河引湖水入黃而修堰盱智信林等三壩建
閘陳家集操縱湖水衛盱貽五河民田已亥還抵揚州乘兵
輪閱靖江通州崇明漁團遂至上海是月王德榜軍抵廣西
南甯二月戊申至朱家山河工次已酉還江甯是月朱家山
河工成初公乞病疏再上

上勉如所請

賞假四月

命曾公國荃署理兩江總督已內閣學士周德潤疏言勳臣不宜

引退請

旨責以大義令其在任調理

上諭曰左宗棠勤勞懋著朝廷倚任方殷當此時局艱難尤賴二三勳舊之臣竭誠幹濟豈肯任其功成身退遽賦歸田祇因該大學士目疾增劇而兩江地大物博政務殷煩又難靜心調攝是以降旨開其總督之缺仍賞假四月回籍原欲其安心調理俾得早日就痊出膺重寄該大學士素著公忠諒不至稍耽安逸著卽趕緊調治一俟稍愈不必拘定日期卽行銷假以副委任三月戊子曾公國荃至江甯受代於時滇粵邊軍潰退北甯興化相繼失守獨王德榜軍五千人扼守諒山鎮南關而法人兵船分

駛福建江南海口公聞警憤極會目疾稍愈迺遵

旨銷假以王德榜軍單請增遣前浙江提督黃少春於湖南募新
軍繼進會法使復詣天津請和有

詔停募而

召公入見五月甲午至京師仍入值軍機

諭曰左宗棠卓著勳績年逾七旬著加恩毋庸常川入直遇有緊
要事件豫備傳問并著管理神機營事務所有應派差使毋庸開
列時法人復調兵分犯宣光保勝諒江南北洋戒嚴公復請飭黃
少春募軍赴邊未成行七月法大舉入犯閩洋福建海軍潰
敗馬江法遂悉眾轉攻臺灣庚申

詔公以欽差大臣督辦福建軍務戊辰

陞辭啟行八月丁酉抵江甯調舊部五千人從征復

詔前陝甘總督楊公岳斌幫辦軍務是月法已奪踞基隆分兵攻
滬尾爲提督孫開華所敗公奏請楊岳斌自海道赴援九月
甲寅自江甯取道江西入閩十月戊戌抵福州自馬江敗挫
官民一夕數驚公至人心始大定迺首議調兵援臺分布內
地防軍設沿海漁團法益封禁海口劫掠商船日出兵船游
弋防我師東渡公檄南洋兵船放洋徻爲徑薄臺北而遣道
員王詩正率恪靖援臺各軍自泉州蚶江冒險潛渡十二月
丙申法船集媽祖澳將乘歲除進攻公冒風雨巡視長門金

牌礮臺申嚴軍律封塞各海口法軍引去 作李忠武公墓
志銘李勇毅公墓志銘題張楊園先生寒風竝立圖

光緒十一年乙酉公七十四歲

正月疏請增製船礮戊午王詩正軍至臺南進屯五堵時法
兵方由八斗登岸攻踞月眉山庚申王詩正列兵趣戰令劉
見榮易玉林分道鈔寇奪月眉山次日法增兵大槓峰官軍
乘銳進提督胡少亭羅國旺先登沒於陳王詩正督戰益力
法兵傷亡亦眾遽分眾出暖暖街繞官軍後各隘土勇先潰
迺收軍還保五堵是月楊公岳斌軍自泉州渡海至卑南二
月王德榜率定邊軍會前廣西提督馮子材大破法兵於諒

山按彭剛直公奏議廣軍合主客各軍力戰破敵實情疏云二月初六七馮子材苦戰兩日之久非王德榜截其後路斷其軍大關內外夾攻亦不能如此大潰法人復援前議請和

詔各軍停戰公密陳要盟宜慎防兵難撤又言前約已置越南度外而新失之基隆澎湖必當議還然後可許五月疾愈劇以款議垂成疏請回京復

命并懇開餒回里治疾

詔賞假一月六月奏言臺灣孤注大洋爲七省門戶關係全局請
遼福建巡撫駐臺灣以資鎮攝自公奏洋藥稅釐併徵英使
威妥瑪以咨報本國爲詞久無成議至是月出使大臣曾紀
澤始定議于英京曾惠敏公奏疏遵旨議續增專條摺云臣思左宗棠奏請洋藥稅釐併徵一百五

十兩之議非專爲稅釐起見欲藉擡價值使民間吸食漸少其後商議陸續跌至百二十兩百一十兩紛紛不一及臣與英外部商論最後爭得一百一十兩之數適準外部來文定期六月初七日畫押按錢氏學嘉通商綜覈表序云洋藥稅釐併徵光緒十一年使臣始定議於倫義十三年通商十九口咸奉新令

丙子公疾亟復申前

請七月庚子

諭曰覽奏病情殊深廕念左宗棠著準其交卸差使不必拘定假期回籍安心調理該大學士吏治戎機久深閱歷如有所見仍著隨時奏聞用備采擇一該病體稍痊卽行來京供職欽此癸亥薨于福州遺疏入

上震悼

諭曰大學士左宗棠學問優長經濟閎遠秉性廉正莅事忠誠由

舉人兵部郎中帶兵剿賊屢著戰功蒙

文宗顯皇帝特達之知擢升卿寺同治年間剿平髮逆捻回各匪
懋建勳勞

穆宗毅皇帝深資倚任畀以疆寄洊陟兼圻授爲欽差大臣督辦
陝甘軍務運籌決勝克奏膚功簡任綸扉優加異數朕御極後特
命督師出關肅清邊圉底定回疆厥功尤偉加恩由一等伯晉爲
二等侯爵宣召來京管理兵部事務在軍機大臣上行走并在總
理各國事務衙門行走竭誠贊畫悉協機宜旋任兩江總督盡心
民事裨益地方敷歷中外恪矢公忠洵能始終如一上年命往福
建督辦軍務勞瘁不辭前因患病籲懇開缺屢經賞假并準其交

卸差使回籍安心調理方冀醫治就痊長承恩眷詎意未及就道
遽爾盜迹披閱遺疏震悼良深左宗棠著追贈太傅照大學士例
賜卹賞銀三千兩治喪由福建藩庫給發賜祭一壇派古尼音布
前往致祭加恩予諡文襄入祀京師昭忠祠賢良祠并於湖南原
籍及立功省分建立專祠其生平政績事實宣付史館任內一切
處分悉予開復應得卹典該衙門察例具奏靈柩回籍時著沿途
地方官妥爲照料伊子主事左孝寬著賞給郎中附貢生孝勛著
賞給主事均俟服闋後分部學習行走廩貢生孝同著賞給舉人
准其一體會試其二等侯爵應以何人承襲著楊昌濬迅速具奏
用示篤念盡臣至意欽此公薨之夕福州城東北隅崩裂逾二丈

左文襄公年譜卷一
城下居民迄無恙。竟夕大雨如注。比明赴聞。城中巷哭失聲。喪歸之日。江浙關隴士民聞之。皆奔走悼痛如失所親。以明年十一月甲申葬善化八都楊梅河柏竹塘山之陽。公去隴時所過爲祠以祀。山谷間往往而有至是浙江福建江南江西陝西甘肅新疆湖南各省爭列上公功績請遵

敕建專祠。光緒十五年

上親政

賜祭一壇。公沒後三年。公子按輯遺書付梓。凡奏疏六十有六卷。書牘二十有六卷。批牘七卷。詩文集五卷。子四人。長孝威同

治壬戌

恩科舉人正三品廕生

特賞主事先公卒

旌表孝行孝寬府學附生員外郎銜分部主事

恩賞郎中孝勛附貢生議敘道銜花翎郎中銜

恩賞主事簽分兵部武庫司行走孝同廩貢生

恩賞舉人花翎候選道孫十人長念謙正一品廕生刑部員外郎

襲侯爵

特旨以四五品京堂候補授太常寺少卿遷通政使司副使念恂

念恕監生念慈附監生分部主事改官江蘇候補同知念貽

縣學附生念忠縣學附生光祿寺署正念惠監生都察院經

歷念颺念康縣學廩生念恆曾孫七人景昌景祐正一品廕
生景祺景發令儀景源令德

男孝同孫念

如恕貽惠康校字
慈忠颺恆

湘省學院街萃文堂刻刷局繕刊